

**HEADLINES**

۱. وزیر اعلیٰ عمر عبداللہ نے جموں کشمیر نانہہ ایک پُر کشش فلم سازی غا مقام غا طور ور فروغ دین بارے کوشش تیز کردتی ہے تے ممبئی گا ایک ادارہ غے سنگ اشتراق ور غور کیو جارہیو ہے۔
۲. حفاظتی دستاں نے راجوری ضلع مانہہ ایک کیرہ بندی و تلاشی آپریشن غے دوران ساڈی ترے کلوگرام وزنی تماکہ خیز آلو یعنی آئی ای ڈی برآمد کرغے ناکارہ بنا دتو ہے۔
۳. بھدرواہ مانہہ 17 جنوری تیں دو روزہ سرمائی میلہ 2026 غی تیاریں مکمل ہوگئی ہیں اس میلہ غو مقصد سیاحت تے ثقافت نانہہ فروغ دینو ہے۔
۴. محکمہ موسمیات نے پیشن گوئی کی ہے جے اج تیں اوچا علاقاں مانہہ تازہ برف باری غو امکان ہے تے جموں غا میدانی علاقاں مانہہ آئندہ 2 دناں توڑی درمیانہ تیں گھنی تھند رہن غو خدشو ہے۔

\*\*\*\*\*

**CM IICT VISIT**

وزیر اعلیٰ عمر عبداللہ نے کہیو ہے کہ حکومت خوبصورت مرکزی زیر انتظام علاقہ جموں کشمیر نانہہ فلم سازی واسطے ایک پُر کشش مقام بنان واسطے بھرپور کوشش کررئی ہے۔ انہاں نے کہیو کہ جموں کشمیر نانہہ فلم سازی غو مرکز بنان واسطے مناسب بنیادی ڈھانچہ غا قیام غی ضرورت ہے تے اس مقصد واسطے ممبئی مانہہ قائم آئی آئی سی ٹی جیسا ادارہ غے نال اشتراک ہے حد اہم ہے وزیر اعلیٰ عمر عبداللہ نے این ایف ڈی سی ممبئی مانہہ واقع آئی آئی سی ٹی کیمپس غو دورو کیو جت انہاں نے ادارہ جاتی اشتراک تے طلبہ غا تبادلہ غا امکانات ور غور کیو۔ انہاں نے جموں کشمیر غا نوجواناں نانہہ اینیمیشن، وی ایف ایکس تے گیمنگ جیسا جدید شعباں مانہہ مہارت دین تے ان غی صلاحیتاں نانہہ نکھارن غی ضرورت ور زور دتو وزیر اعلیٰ نے کہیو کہ آئی آئی سی ٹی غے نال ابتدائی سطح ور تعاون تیں جموں کشمیر غا نوجواناں واسطے قومی سطح غا تربیتی مواقع پیدا کیا جاسکیں گا۔

\*\*\*\*\*

**IED RECOVERY**

حفاظتی دستاں نے راجوری ضلع مانہہ پولیس سٹیشن منجاکوٹ غا ڈائرہ اختیار رات غے تحت گراں ککوڑہ مانہہ کیرہ بندی و تلاشی آپریشن غے دوران ایک دیسی ساخت بمب یعنی آئی ای ڈی نانہہ کامیابی سنگ برآمد کرغے ناکارہ بنا دتو ہے آکاشوانی جموں گا نامہ نگار غے مطابق تلاشی آپریشن غے دوران علاقہ تیں ایک مستبہ بیگ برآمد ہوو جانچ غے بعد بمب ناکارہ بنان آلا دستی نے بیگ غے اندر تقریباً ساڈہ ترے کلوگرام وزنی آئی سی ڈی دریافت کی تے بعد مابہ بمب ناکارہ بنان آلا سکارڈ نے اس تماکہ خیز آلا نانہہ محفوظ تے کنٹرولڈ طریقہ سنگ ناکاری بنا دتو اس واقع مانہہ کسے جانی نقصان یا املاک نانہہ کوئی نقصان نہیں پُجیو یوہ کیرہ بندی و تلاشی آپریشن علاقہ مانہہ جاری حفاظتی اقدامات غو حصو تھو جس غو مقصد کسے وی خطرہ نانہہ ختم کرنو تے عوام غی حفاظت نانہہ یقینی بنانو ہے۔

\*\*\*\*\*

## PAK DRONES POONCH

کل شام نانہہ پونچھ ضلع مانہہ کنٹرول لائنیں غے نیڑے حساس علاقوں مانہہ تے سانہہ ضلع مانہہ بھارت پاکستان بین القوامی سرحد غے نیڑے پاکستانی ڈرونز دیکھیا گیا جس وں حفاظتی دستاں نے فوری کاروائی کی آکاشوانی جموں گا ناما نگار غے مطابق پونچھ ضلع گا دیگوار سیکٹر مانہہ ایک ڈرون کئی منٹاں توڑی منڈلاتو وو دیکھيو گيو جس غے بعد فوجی دستاں نے جوابی فائرنگ کی اسے دوران سانہہ ضلع مانہہ بین القوامی سرحد غے کول ایک مشتبہ ڈرون غی نقل و حرکت دیکھی گئی جس غے فوراً بعد رام گڑھ سیکٹر مانہہ وی ایک ہور ڈرون نظر آيو کسے وی ممکنہ خطرہ سنگ نمڑن واسطے حفاظتی فورسز نانہہ فوری طور وں پانی الٹ وں رکھيو گيو سرحدی علاقوں مانہہ کنٹرول گشت مانہہ آصافو تے نگرانی غا سخت اقدامات شروع کردتا گیا ہیں۔

\*\*\*\*\*

## SECURITY TIGHTENED

یوم جمہوریہ غے پیش نظر سرینگر جموں قومی شاہراہ تے ادھمپور غا اہم علاقوں مانہہ حفاظت غا انتظام سخت کردتا گیا ہیں۔ مختلف مقامات وں ناکہ بندی ، اچانگ تلاشی تے رات غے وقت گشت مانہہ آصافو کیو گيو بے تانجے کسی وی قسم غا ناخشگوار واقع تیں بچيو جاسکے۔ ادھمپور پولیس غا ایس ایس پی امود اشوک ناگپورے نے کہی و کہ پولیس تے دیگر حفاظتی ایجنسیاں چونکی ہیں انہاں نے مزید اس طرح کہیو.....دوجے پاسے ڈپٹی کمشنر ادھمپور سلونی رائے نے کہیو کہ 26 جنوری تیں پہلاں ایک واضع حفاظتی غو منصوبہ تیار کیو گيو بے تے ضلع سطح غا پروگراماں نانہہ پُر امن تے محفوظ طریقہ تیں منعقد کرن واسطے مکمل تیاری کی جارئی ہیں۔ انہاں نے مزید اس طرح کہیو۔

\*\*\*\*\*

## PROG ANN

علاقائی خبراں آلو شعبو آکاشوانی جموں قومی سڑک تحفظ مہینہ 2026 غا موقع وں 25 منٹ غو ایک خصوصی پروگرام 17 جنوری 2026 نانہہ نشر کریں گا اس خصوصی پروگرام غو موضوع سڑک تحفظ زندگی غو تحفظ رکھيو گيو بے یاہ خصوصی نشریات 17 جنوری 2026 نانہہ تہاڑی گا 2 بج غے 30 منٹ وں نشر کیو جے غو اس خصوصی پروگرام مانہہ مارا مہمان وین گا جناب فاروق کیسر جے کے پی ایس جہیڑا ٹریفک پولیس دیہی علاقہ کٹھوعہ، سانہہ ، راجوری تے پونچھ غا ایس ایس پی ہیں تے وہ سڑک غی حفاظت بارے موضوع وں اپنی قیمتی رائے تے تجربا سانجہ کریں گا۔ پروگرام غی میزبانی کریں گا مارا انکر وجے بجاج۔

\*\*\*\*\*

## BHADERWAH WINTER CARNIVAL

ڈوڈھ ضلع گا بھدرواہ مانہہ بڑا سرمائی میلہ 2026 غا انعقاد واسطے تیاری مکمل کرلی گئیں ہیں جہیڑو پلک تیں گل ٹنڈھ تے نوا بس اڈہ وں شروع ہو جے غو، دو روزہ اس سرمائی میلہ غو مقصد سرمائی سیاحت نانہہ فروغ دینو ، علاقہ غی ثقافتی وراثت نانہہ اُجاگر کرنو تے مقامی معشیت نانہہ مضبوط بنانو ہے۔ سیاحاں نانہہ برفانی کھیڈاں ، رنگ برنگا ثقافتی پروگراماں تے روایتی کھان پین غی اشیاء تیں لطف اندوز ہون غی دعوت دتی گئی ہے۔ 18 جنوری نانہہ مشہور پنجابی گلوکار، جی خان غے نال نال مقامی فنکار تے لوک گلوکار جن مانہہ شامل وین گا چراگ کوتوال۔ دیپک کمار تے دیگر ہور موجود وین

غا۔ايڪ ويڊيو پيغام مانہ مشہور مقامی گلوڪار ديڪ ڪمار نے اس طرح کہيو.....انتظامیہ نے سڑڪاں غی بہتری ، مکمل حفاظتی انتظامات تے تمام بُنیادی ڈھانچہ نانہ یقینی بنايو ہے تانجے میلو محفوظ تے یاد گار وے۔

\*\*\*\*\*

## CHILD MARRIAGE

بھارت نانہ کم عمری غی شادی تیان پاک ملک بنان واسطے ریاسی ضلع مانہ جاری 100 روزہ قومی مہم غے تحت ایک روزہ بیدادی کیمپ منعقد کیو گیو۔اس پروگرام مانہ ضلع بھر تین میدان مانہ کم کرن آلو عملو شامل ہوو۔ تانجے عوامی سطح ور آگاہی نانہ مضبوط بنايو جاسکے تے کمیونٹی غی شمولیت نانہ فروغ دتو جاسکے۔اس موقع ور ڈپٹی کمشنر ریاسی ندھی ملک مہمان خصوصی غا طور ور موجود تھیں۔انہاں نے اس گل ور زور دتو کہ بچاں گا حقوق غا تحفظ تے کم عمری غی شادی غا خاتمہ واسطے انتظامیہ ، براہ راست خدمت انجام دین آلا کارکن تے سماجی اداراں غی مشترکہ زمے داری ہے۔ ضلع سماجی بہبود افسر ریاسی، سچن شرما نے اپنا خیالات غو اظہار کرتا واں اس طرح کہيو۔

\*\*\*\*\*

## AGRI DEP RBN

جموں کشمیر مسابقتی بہتری زرعی و متعلقہ شعبہ جات منصوبہ غو بُنیادی مقصد کساناں غی آمدنی مانہ اضافو کرنو ہے جس واسطے زرعی پیداوار مانہ بہتری، موسمیاتی تبدیلیاں تین نمژن غی صلاحیت تے منڈیاں توڑی بہتر رسائی فراہم کی جارئی ہے۔اس منصوبہ غے تحت خصوصی فصلاں، جدید زرعی ٹیکنالوجی تے کساناں غی تربیت ور توجہ دتی جارئی ہے۔ جامع زرعی ترقیاتی پروگرام غے تحت محکمہ زراعت کساناں نانہ مالی امداد، تربیت تے وسائل فراہم کر رہیو ہے جس مانہ بورویل غی تنصیب، اعلیٰ پیداوار آلا باغات تے نامیاتی کھیتی شامل ہیں۔اس تین علاوہ کساناں غی تربیت ، کسان پیداواری تنظیم غو قیام، تے خواتین۔ونوجواناں غی شمولیت نانہ وی فروغ دتو جارہیو ہے۔اس بارے مزید گل کرتا واں چیف زرعی افسر رام بن تین ونے ڪمار جنڈیال نے اس طرح کہيو۔

\*\*\*\*\*

## YOUTH CONF RAJOURI

سرحدی ضلع راجوری غا دور دراز گراں دوداسن بالا مانہ اج جموں کشمیر گوجر بکروال یوتھ کانفرنس غا ریاسی صدر ڈاکٹر زاہد پرواز چودھری غی صدارت مانہ ایک اہم میٹنگ منعقد کی گئی۔میٹنگ مانہ مختلف مسائل ور تفصیلی گفتگو کی گئی تے حکومت تین مطالبو کیو گیو کہ علاقہ غی بُیادی ضروریات، جن مانہ سڑک، بجلی ، پین غو پانی تے سکولاں مانہ مناسب اساتزہ غی دستیابی شامل ہے ور فوری توجہ دتی جے۔

\*\*\*\*\*

## NOMADIC SETTLEMENT

جموں کشمیر غی قبائلی برادری غا سربراہ پروفیسر ایم کے وقار نے لیفتیننٹ گورنر تین اپیل کی ہے کہ جموں خطہ مانہ صدیاں تین مقیم خانہ بدوش بکروال برادری واسطے مستقل آبادکاری غو انتظام کیو جے۔انہاں نے کہيو کہ اگرچہ یہ برادری کئی نسلاں تین ات رہ رنی ہیں لیکن اس غے باوجود ان غے قول زمین نی ہے جس غے باعث انہاں نانہ شدید مشکلات غو سامنو کرنو پے رہیو ہے۔

\*\*\*\*\*

## WEATHER

محکمہ موسمیات نے آج توں پورا جموں کشمیر مانہہ بارش تے برف باری غی پیشن گوئی کی ہے تازہ موسمی جانکاری غے مطابق یو ٹی مانہہ عام طور چڑھ رہن غے نال نال ہلکی بارش تے اچیراں علاقاں مانہہ برف باری ہوسکے جد کہ آن آلا 2 تہاڑاں غے اندر جموں صوبہ غا میدانی علاقاں مانہہ درمیانہ توں پاری درجہ غی تھند ہوسکے جد کہ 23 تے 24 جنوری ناہہ چناب ویلی، ادھمپور، ریاسی تے جنوبی کشمیر مانہہ درمیانہ توں پاری درجہ غی بارش ہوسکے اس ضمن مانہہ سفر کرن آلا ناہہ کہیو گیو ہے جے وے سفر احتیاط سنگ کریں تے اس ضمن مانہہ 23 تے 24 جنوری ناہہ بارش غے چلتیں خاص خیال رکھیں۔

\*\*\*\*\*